



天津交通銀行同  
人俱樂部圖書室

張大司馬奏稿卷二

起咸豐三年癸丑正月訖二月

目錄

勦辦徵義堂土匪竣事摺

遵 旨催調兵將前赴大營片

恭報接篆日期籌辦撫綏防勦事宜摺

請調江守赴鄂差遣片

兵勇追賊請由各省糧臺就近截餉支應摺

請畱革員赴鄂差遣片

已革督臣遵 旨派員解交刑部片

馳抵湖北省城見擬辦理情形摺

張大司馬奏稿卷二目錄

委員署理司道府縣篆務片

安徽省城失守請 簡放大員并催滿兵改道馳赴江南摺

籌備船礮前赴大營片

辦理收復撫卹事宜摺

淮鹽阻滯請借銷川引片

請調前任藩司唐樹義貴州黎平府知府胡林翼來楚差遣

片

委員署理糧鹽二道并廳縣各篆務片

瀝陳辦理支絀情形摺

湖南勦辦土匪情形片



江臬司未能速赴江南大營片

張大司馬奏稿卷二目錄

二

勦辦徵義堂土匪竣事摺

咸豐三年正月十一日

奏爲勦辦瀏陽土匪竣事地方一律肅清見在委員審辦并查緝要犯恭摺奏

聞仰祈

聖鑒事竊照瀏陽縣下東鄉匪徒周國虞等設立徵義堂名目意

圖句結

臣於奉到

廷寄後卽密飭陝西候補知府江忠源於勦辦巴陵土匪晏仲武回師之便由平江間道馳抵瀏陽相機勦辦所有十二月十八日匪黨分撲縣城營盤當經該守督勇痛勦大獲勝仗各緣由曾於十二月二十二日馳奏在案該匪被創之後回巢查點人數除陣

張大司馬奏稿卷二

一

斬外逃散八百餘名疑均被我兵所殺又賊中著名拳棒教師張大被我兵擒斬各匪首震懾異常其脅從居民及有心從亂而未發者尙不下一萬餘人於十九二十二十一等日匍匐來營哀乞良民印帖求進兵時免其勦辦者前後已有三千五百餘戶均查明按戶取結諭令各安生業江忠源察知黨羽解散賊勢已孤卽於二十一夜三更拔營進徧賊巢分遣委員候選知縣伍煌揀選知縣趙瀚帶勇五百名進扼溪岡候選訓導文鴻盛貴州縣丞汪筠帶勇五百名進扼長泥嶺以防匪徒竄撲縣城之路江忠源率領拔貢劉長佑候選從九江忠濟文童楊承義蕭良植暨千總李輔朝等帶勇一千名於二十三日辰刻進扼古港

臣飛咨總兵經

文岱帶兵嚴堵北路十八盤諸險防其翻山竄逸之路該匪共六股周國虞陳朝涇陳德昭三股分踞三平洞朱興祥曾世珍鄧萬發三股分踞山口是夜四更江忠源帶勇進逼山口該匪鄧萬發曾世珍心慌膽落四散逃走本地團練將該匪巢穴焚燬并起獲大礮三尊軍械五十餘件江忠源督勇協同團練緝獲要犯陳國材等一百三十餘名并搜獲匪首朱興祥就地斬首示眾二十五日搜捕山口餘匪守駐三平洞南口并分遣李輔朝等帶勇繞道行一百二十餘里至平江縣界十八盤地方從三平洞北口進攻該處山勢險峻盤互四十餘里林深箐密人迹罕到李輔朝等於二十六日辰刻由北路進攻該匪聚集上平洞結寨固守李輔朝卽督勇直撲賊柵該匪出柵拒敵眾勇向前槍斃賊匪數十名江忠濟帶勇繞出賊後縱火焚柵該匪四散逃匿李輔朝江忠濟分路追剿斃賊數十名生擒六十餘名墜崖落澗者不計其數奪獲大礮三尊擡槍烏槍二百餘件子藥十數桶二十七日拔營至中平洞該匪聚集周氏宗祠羣出拒捕李輔朝奮勇爭先眾勇一齊赶上槍礮并施立斃賊匪十餘名該匪紛紛逃走追殺二十餘里生擒五十餘名起獲硝磺十石匪首陳朝涇陳德昭等帶領二十餘人從北面翻山竄逸至黃泥界地方經團練登時拏獲就近解送經文岱營內李輔朝等二十八日拔營至下平洞伍煜等亦從南口魚貫入隘合力搜捕先後共緝獲八十餘名二十九日復分

往大溪山光兩洞獲匪十餘名三十日復帶勇往寶蓋洞搜獲匪徒二十餘名統計是役自十八日接仗起至三十日止先後生擒暨各鄉團網送共獲匪徒六百七十餘名臨陣斬首暨鄉團格殺共計七百餘名先後發給良民印帖解散脅從至四千三百餘戶人數約一萬餘名起獲大礮六尊擡槍鳥槍二百餘杆長矛三百餘杆檔把檔牌共六十餘件腰刀一百數十把皮甲二十餘具硝磺子藥數十石凡徵義堂匪黨嘯聚巢穴無不深入窮搜地方一律肅清良民安堵如故已獲解省各犯俱經臣審明正法分別梟示其未經解省各犯尙有四百餘名臣因人數過多卽委補用知府夏廷樾選帶隨員馳赴瀏陽縣迅速審辦其情罪重大各犯卽

張大司馬奏稿卷二

三

就地正法梟首示眾以昭炯戒容俟彙齊開單進呈

御覽其周國虞會世珍鄧萬發三犯見懸賞格查拏據犯供會世珍於十八日被官兵長矛戳傷甚重未知存亡該匪等稔惡已久地方居民受其荼毒誓必追蹤網獻臣於辦理此事之始慮其山徑叢雜易致遠颺會飛札附近各州縣及江西袁州府萬載萍鄉等縣懸示賞格一體嚴拏務獲見據平江縣知縣林源恩督率鄉團拏獲要犯周禮等十餘名署善化縣知縣王葆生拏獲周大九等數名諒茲么麼小醜無難悉數弋獲臣見諄飭委員及地方官上緊查拏毋得以臣卸任在卽稍存鬆懈臣於十一日拜摺後卽馳赴岳州督辦防剿接印後察看情形或須移營前進或須移駐

要地容俟另摺具奏至此案匪徒人數眾多陰蓄異志已久迫近省垣時虞意外又其中良莠不一礙難辦理臣受事之始屢據該縣士民控告臣佯置不理密飭江忠源相機妥辦勦撫互施適欽奉

廷寄臣亦未敢宣露幸荷

慈諭遙頒密授機宜得以迅速蕺事該縣士民於江忠源接仗獲勝之後爭以牛酒犒師爆竹之聲數里不絕并哭訴年來受匪徒淫殺之慘耳不忍聞見飭妥爲安撫均各欣忭如獲再生雖首犯尚未全數就擒然頭目之擒斬細獻者已及十分之七八見在各鄉團尙日有擒獻匪黨解散淨盡器械糧食均已搜獲無存察看情形斷可不至爲患在事出力員弁紳民可否仰懇

張大司馬奏稿卷二

四

天恩俯准保奏前摺已經聲明伏候

諭旨敬謹遵辦所有勦辦瀏陽土匪竣事委員審辦查緝要犯并微臣起程赴岳日期理合由驛恭摺奏報伏乞

皇上聖鑒訓示施行謹 奏

硃批另有旨欽此

咸豐三年正月二十日內閣奉

上諭張亮基奏勦辦土匪事竣一摺湖南瀏陽縣匪徒周國虞等設立徵義堂名目勾結多人膽敢分撲縣城營盤經陝西候補知府江忠源於上年十二月十八日痛加勦洗將脅從之民先行解

散江忠源一面飛咨總兵經文岱帶兵嚴堵北路十八盤險隘一面率帶文武紳士督勇協同團練將匪巢焚燬緝獲要犯陳國材并搜獲匪首朱興祥等就地正法復經團練拏獲匪首陳朝涇陳德昭等解送到營統計十八日至三十日止疊次生擒暨各鄉團網送共獲匪徒六百七十餘名臨陣殲斃及鄉團格殺共七百餘名先後發給印帖解散脅從四千三百餘戶奪獲軍器火藥甚多地方一律肅清良民安堵辦理尙爲安速所有獲解各犯除業經正法梟示外餘著迅速審辦在逃之周國虞曾世珍鄧萬發三犯仍著嚴拏勿任稽誅勦辦此案之出力文武員弁紳民均著准其酌量保奏候朕施恩用昭激勸欽此

遵 旨催調兵將前赴大營片

咸豐三年正月十一日

再臣於本月初七日承准軍機大臣字寄奉

上諭據向榮奏籌備堵剿情形據稱逆匪攻陷武昌仍於漢陽漢口搭有浮橋必須多備礮船將浮橋焚燬方可進剿前刑部郎中盧應翔所帶礮船曾在長沙靳家河擊賊見在停泊何所總兵音德布在常德設防遊擊韓世禧分防長沙該處距賊較遠著張亮基潘鐸飭令音德布韓世禧於常德長沙多雇船隻率領前帶官兵前進韓世禧所帶湖南兵僅數百名著飭令於長沙防城內再挑數百湊足千名以資調遣副將鄧紹良所帶兵勇卽於岳州一帶多雇船隻并於洞庭湖招募水摸二三百名預備柴草硝磺等

張大司馬奏稿卷二

六

物同盧應翔船隻迅速駛往以期合力進攻焚斷浮橋剿辦可以得手斷不可稍有遷延致誤事機向榮旣命爲欽差大臣一切調度事有專責兵機貴速尤忌牽制張亮基平素辦事尚不迂緩今與向榮共事一方必須和衷共濟諒不以前在雲南曾有會同參劾向榮之奏稍存意見也欽此臣跪誦之下感悚難名竊粵逆竄踞武漢橫江搭造浮橋以便往來策應浮橋不斷誠恐此攻彼竄終難得手臣前接准幫辦軍務提督向榮移咨卽已飛飭盧應翔將所帶礮船駕駛前往總兵音德布參將韋中魁前經奏調管帶滇兵來楚卽在常德設防嗣因澧州兵單經臣等札飭韋中魁移駐澧州雲貴總督臣羅繞典路過澧州時將韋中魁帶赴襄陽并

札調音德布移駐澧州臣接奉

諭旨後飛咨音德布卽於澧州雇船帶兵前進參將韓世禧於上年十月賊解圍西竄時卽日跟蹤追賊并未畱在長沙見在歸何人統帶臣未接據大營移知無從懸揣容俟查明卽行飛催前進惟是長沙見在防城兵丁除撫標協標兵丁共計一千餘名永綏乾州兵丁五百名外惟正定鎮總兵經文岱管帶雲南兵丁五百名出師三年精銳多已傷損見存之兵率皆疲乏不堪河北鎮王家琳管帶河南殘兵二百名又臣等先後招集陝西潰兵一千一百名臣羅繞典起程時已挑去五百名嗣提臣鮑起豹赴岳州又挑去二百名統計湖南存城各項兵丁其壯健者早已跟追北去

張大司馬奏稿卷二

七

又屢經揀選抽調之餘率皆挑贖疲兵難期得力臣前奏擬另募有身家來歷藝高膽大之鄉勇加以訓練較之客兵稍爲可恃意俟練勇稍集卽將各項疲兵盡數裁撤歸伍今奉

諭旨再挑數百湊成千名臣恐徒有增兵之名而無敢戰之實可否俟臣馳抵岳州再爲籌畫鄧紹良聞見駐城陵磯臣已飛飭於岳州一帶多雇船隻并招募水摸二三百名預備柴草硝磺等物同盧應翔船隻迅速駛往臣與向榮素未謀面前在雲南曾有會同參劾之奏自上年八月受事圍城之中與該提臣共事數十日彼此意見雖間有不同而該提臣知臣因公起見此心無他旋亦釋然不復介意臣雖至愚極陋見值時事多艱之日更何忍稍存

意見致誤機宜斯時內外大小臣工俱知以滅賊爲急臣忝任封疆責無旁貸既同辦滅賊之事豈敢牽制滅賊之人此微臣區區愚誠所不容不披陳於

君父之前者也所有違

旨籌辦緣由理合附片陳明伏乞

皇上聖鑒訓示施行謹 奏

硃批另有旨欽此

恭報接篆日期籌辦撫綏防勦事宜摺

咸豐三年正月十四日

奏爲恭報

微臣

接篆日期并馳赴湖北省城籌辦撫綏防勦各事

宜恭摺由驛奏祈

聖鑒事竊臣於咸豐三年正月十一日拜摺後卽由長沙起程適接前署督臣徐廣縉來函知粵逆於正月初二初三等日全股分水陸下竄我兵分路跟追武漢兩城見已無賊是岳州無須防勦臣卽迅速兼程前赴武昌於十三日行抵歸義驛准前署督臣徐廣縉委副將舒寬候升知州楊恩紱送到湖廣總督關防并恭齎欽頒遏必隆刀臣當卽恭設香案望

闕叩頭祇領關防任事暫將遏必隆刀敬謹收貯容俟委員遵

張大司馬奏稿卷二

九

旨齋繳伏思武漢兩城夾江設郡爲自古形勝最要之地賊匪竄踞時臣日夜焦思不遑寢處今乃棄此不守復思分竄下游狂悖之狀雖若可憂而蕩平之機似堪預券亟應星速馳往預籌控制之宜并招集流亡嚴拏土匪以爲安民殄寇之計臣受

恩深重值此時事多艱之日敢不勉竭駑鈍稍圖仰答

鴻慈見飭南省總局裝米五千石制錢五千緡由水路運赴北省并出示安撫難民招徠商賈以播

皇仁以定民志但兩城得自灰燼之餘武昌尤省會重地文武赴難案卷無存劫殺同時官私俱敝種種慘痛之狀不問可知當此而力圖整理實與從新創造無殊又軍餉告竭各省已解之款旋

到旋解大營見在無款可資支應卽湖南本省春季待放之餉亦且挪移墊解權給目前窘迫情形前已奏陳在案茲兩城收復需用孔繁苦於無可設措頃准署湖北巡撫臣駱秉章來咨奏懇敕部籌撥見銀三十萬兩迅速解鄂臣再四思維俟部指撥有款各省起解需時尙虞緩不濟急惟有仰懇

天恩敕下附近之河南陝西四川等省無論何款先行借給三十萬兩委員迅速解赴湖北省城一俟部撥有款再行撥還該省庶轉運迅捷籌辦一切要務得以應手所有微臣接篆日期并預籌借款以濟要需各緣由理合由驛恭摺具奏伏乞

皇上聖鑒訓示施行謹 奏

張大司馬奏稿卷二

十

硃批另有旨欽此

請調江守赴鄂差遣片

咸豐三年正月十四日

再陝西候補知府江忠源前丁憂在籍時經前大學士臣賽尚阿奏調馳赴廣西軍營追賊入楚又經前督臣徐廣縉奏畱管帶楚勇嗣賊竄出湖南因該員所募之勇原議捍衛桑梓不遣出境經臣檄委剿辦巴陵晏仲武瀏陽徵義堂各股土匪均已竣事該員係明保案內奉

旨調取引

見之員見已服闋應卽給咨赴部惟湖北省城甫經收復撫綏防勦在在需才該員志在匡時才能應變臣深知其人差委足資得力相應奏懇

張大司馬奏稿卷二

十一

聖慈准臣帶赴湖北差遣委用理合附片陳明伏乞

皇上聖鑒訓示謹 奏

硃批另有旨欽此

咸豐三年正月二十四日內閣奉

上諭張亮基奏請畱員帶赴湖北差委等語候補道江忠源著准其帶赴湖北差遣委用欽此

兵勇追賊請由各省糧臺就近截餉支應摺

咸豐三年正月十八日會銜

奏爲賊勢東竄兵勇跟追前往請由各省糧臺就近截餉支應以期無誤要需恭摺奏祈

聖鑒事竊照粵逆自上年四月竄入楚境粵西原調各省兵勇跟蹤追勦在永州暫設轉運糧臺俟楚省接辦有人卽行交卸湖南續調兵勇由湖南設立軍需總局委員支應維時粵西糧員因無餉可發暫行移臺就餉隨赴長沙嗣賊匪於十月由長沙竄出各省兵勇分起追勦經臣等奏請由湖北設臺截餉支應迨武昌被圍北省無員經理暫將各省撥解軍餉仍歸湖南應付各在案其廣東隨同徐廣縉來楚之兵勇原奏指明將粵海關稅餉一項撥

張大司馬奏稿卷二

十一

解應付嗣因戶部咨行將粵海關餉四十萬兩歸於湖南糧臺徐廣縉以此項既經戶部另撥湖南廣東兵勇軍餉無從取給奏請歸併湖南糧臺支應亦在案茲粵逆又復下竄其廣西湖南各省糧臺距賊愈遠轉運更難且該糧員等以隔省之員越境辦事無論程途寫遠鞭長莫及展轉迂迴諸多窒礙且人地生疏沿途村市新遭蹂躪採辦諸物以及雇夫雇船等事無不仰給隔省各府州縣地方官非其管轄未免呼應不靈而見在江西江南兩省各有糧臺湖南廣西舊設糧臺又未能裁撤是賊只一路而糧臺分設數省多一臺卽多一臺之費日後核銷尤匪易事伏查嘉慶初年川陝楚三省教匪滋事賊由川竄陝官兵入陝則歸陝西糧臺

支應由陝竄楚官兵入楚則歸湖北糧臺支應由楚竄陝竄川亦然從未有賊已離省二千里而本省糧員仍在他省另設轉運糧臺之事當時剿賊首尾數年賊蹤飄忽靡常征兵隨地領餉未聞貽誤成案可稽且設立糧臺原責其採辦軍需器具支應兵勇鹽糧二者俱非銀不辦從前粵西兵勇追賊入楚粵西糧臺軍餉告竭借用部撥湖南之款湖南兵勇追賊入湖北湖南糧臺又係借用湖北之款見在湖北兵餉又已告竭兵燹之後無員可委廣西廣東湖南三省暫辦糧臺之員勢難再行前進即令其勉強再進而餉歸各省實乏來源無米之炊勢必貽誤臣與署湖北撫臣駱秉章署湖南撫臣潘鐸往返札商意見相同及行抵岳州復據

張大司馬奏稿卷二

三

辦理廣西糧臺布政使嚴正基辦理廣東糧臺高廉道沈棣輝辦理湖南糧臺衡永郴桂道張其仁會稟前來臣覆查無異相應請旨敕下欽差大臣琦善向榮并江西巡撫臣張芾兩江總督臣陸建瀛酌議於大營附近之處另設轉運糧臺委員接辦就近通融籌撥糜費亦可節省而臣與前署督臣所請之餉其由江西江南安徽經過各款俱可隨到隨截其由湖北湖南地方經過各款即由臣等迅速催解該省糧臺兌收庶於軍需要件可期無誤所有兵勇追賊前往請由各省糧臺就近截餉支應緣由理合會同署湖北巡撫臣駱秉章署湖南巡撫臣潘鐸合詞由驛馳奏伏乞

皇上聖鑒訓示施行謹 奏

硃批改設糧臺已有旨了至粵楚三省自軍興以來需用浩繁將來恐不免有冒銷之處著戶部認真查核如有造冊未到者卽行奏明嚴催欽此

張大司馬奏稿卷二

四

請畱革員赴鄂差遣片

咸豐三年正月十八日

再廣西隨營候補知府謝繼超前因委令接帶潮勇該革員以潮勇難於管帶繳委經前大學士臣賽尚阿參奏欽奉

硃諭謝繼超僅子革職不足蔽辜著發往軍臺效力贖罪欽此臣在長沙起程時適值該革員押解來省臣查該革員前在廣西帶勇打仗似向出力見當用人之際可否仰懇

天恩俯准將革員謝繼超帶赴湖北由臣畱心察看如該革員尚知愧奮卽請畱於湖北差遣委用倘才無可用謹當仍遵

前旨發往軍臺效力贖罪臣不敢稍有迴護之見臣因湖北差遣乏員起見謹附片陳明伏乞

皇上聖鑒訓示謹 奏

張大司馬奏稿卷二

五

硃批謝繼超著准其帶赴湖北差委若仍不遵號令著從嚴懲辦不必遵前旨僅子發遣欽此

已革督臣遵 旨派員解交刑部片 咸豐三年正月十八日

再臣前承准軍機大臣字寄奉

上諭已革兩廣總督署湖廣總督徐廣縉著革去署任卽行拏問由張亮基派員解交刑部治罪等因欽此查徐廣縉見駐岳州臣路過岳州已傳

旨將該署督臣拏問委湖南候補知縣師鳴鳳湖南提標守備滕代麟解交刑部卽日由岳州起程所有前奉

欽頒邊必隆刀一併交師鳴鳳滕代麟二員敬謹齎繳理合附片陳明伏乞

聖鑒謹 奏

張大司馬奏稿卷二

夫

硃批知道了欽此

馳抵湖北省城見擬辦理情形摺

咸豐三年正月二十四日

奏爲

微臣

馳抵湖北省城察看地方情形見擬設法辦理恭摺奏

祈

聖鑒事竊臣於正月十八日在岳州途次拜摺後曉夜兼程前進二十二日行抵湖北省城署撫臣駱秉章已於十九日自岳州趕到查武漢兩府襟帶江漢自古稱爲雄鎮上控蜀秦下連吳會地居南北之衝水陸交通商旅輻輳自粵逆攻陷兩城兵燹之餘異常彫敝流寓土著各紳民商賈或全家遇害或男婦被擄或途閒被殺或投江自溺屍骸遍地慘痛難言所存遺黎從浩劫中倖獲餘生氣息僅屬招魂野祭哭聲相聞城中公私積蓄經逆賊屢次

張大司馬奏稿卷二

七

搜括纖毫俱罄一切蕩然又粵賊悉數竄去之後潮勇偵知先行入城焚燒房屋搶掠姦淫無所不至土匪乘機肆擾城中遺民復遭毒害越日副將瞿騰龍奉委入城彈壓署武昌府知府金雲門等亦先後抵省任事居民始稍安定臣見與署撫臣商辦撫綏各事宜如修補城垣收斂骸骨撫卹難民安集流亡招徠商賈嚴治土匪查明殉難文武官紳士民婦女并失守地方文武下落皆目前急務容卽次第趕緊辦理至賊蹤遠近據探報本月初八日已竄過九江地面此間距大營程途愈遠臣見已挑派得力弁兵前往查探以便豫籌防勦機宜所有微臣馳抵湖北省城見擬設法辦理各緣由理合恭摺具奏伏乞

皇上聖鑒訓示施行謹 奏

硃批另有旨欽此

張大司馬奏稿卷一

六

委員署理司道府縣篆務片

咸豐三年正月二十四日

再臣於正月十七日在岳州途次准兵部火票遞到吏部咨開文選司案呈內閣鈔出咸豐二年十二月二十六日奉

上諭湖北布政使著岳興阿補授同日奉

上諭湖北按察使著張集馨補授湖北督糧道員缺著徐豐玉補授所遺黃州府知府員缺著賈亨晉補授又同日奉

上諭湖北漢陽府知府員缺著余舜欽補授湖北武昌府知府員缺著延志調補欽此等因臣查岳興阿前升湖南臬司尚未到任見在不知仍在何處恐來楚尙需時日見值兵燹之餘整飭地方撫綏黎庶在在均關緊要查有河南布政使嚴正基老成幹練實

張大司馬奏稿卷二

九

心愛民見因辦理廣西糧臺來楚堪以暫令署理按察使張集馨未到任以前查有陝西候補道江忠源經臣奏請調赴湖北該員勇於任事勤幹有爲堪以署理新授督糧道徐豐玉本任尙無緊要事件該員曾任黃州府知府於該處情形較熟以之署理漢黃德道可期得力黃州府知府員缺新放之賈亨晉見署岳州府事尙有地方應辦要件未能卽赴新任黃州府知府員缺請卽以岐亭同知邵綸暫行護理武昌府知府員缺經前署督臣徐廣縉檄委新授安陸府知府金雲門署理漢陽府知府員缺查有廣西隨員卽補知府張汝瀛堪以署理江夏縣知縣員缺請以天門縣知縣饒拱辰署理漢陽縣知縣員缺請以松滋縣知縣劉鴻庚署理

所有委署各篆緣由臣與署撫臣駱秉章面商意見相同理合附片陳明伏乞

皇上聖鑒訓示謹 奏

硃批知道了欽此

張大司馬奏稿卷二

二十

安徽省城失守請 簡放大員并催滿兵改道馳赴江南摺 咸豐三年

正月二十八日會銜

奏為安徽省城被陷文武存亡未卜賊匪旋即下竄請

旨簡放大員迅速馳往收復以資鎮撫并請

敕下吉林黑龍江帶兵各員迅由河南取道安徽省北境馳赴江

南以利攻剿事竊 臣於正月二十七日戌刻接據統領陝甘官兵

河州鎮總兵官吉順二十三日函稱本職於二十二日行抵安徽

潛山縣距省城一百二十里探得賊匪於十七日未刻駛至安徽

省城戌刻城陷又據安徽太湖縣知縣張寶鎔稟稱逆匪於十七

日戌刻由西南兩門轟開直入戕害兵勇官民燒燬大小衙署房

張大司馬奏稿卷二

三

屋倉庫儲積并軍需器械擄掠一空於十八日旋復下竄見在人

心惶駭請迅奏

簡放大員以專責守 臣等接閱之餘不禁髮指竊思逆賊連陷九

江安慶順流東下金陵可危

欽差大臣兩江總督陸建瀛諒係由陸路捷徑馳回省城以重根

本安徽省城新遭攻陷文武未知下落亟應請

旨簡放巡撫藩臬大員迅速馳赴該省以資鎮壓未到之先請

敕該省賢能道員及武職大員帶兵入城彈壓撫綏俾上江閩省

官民有所繫屬賊既順流駛江西安徽未能遏其去路我各路

大兵皆落賊後昨准兵部咨開十二月二十九日內閣奉

上諭此次調派吉林兵分作八起黑龍江兵分作十起均開一日起程所有各起官兵到京准其開二日行走以示體卹等因欽此合無請

旨敕下帶兵各員卽由河南取道安徽省北境馳赴江南程途較爲直捷且經過驛路均係完善之區一切順利軍行自速可收前後夾擊之功愚昧之見是否有當謹會同署湖北巡撫臣駱秉章合詞由驛恭摺具奏伏乞

皇上聖鑒訓示施行謹 奏

硃批已有旨欽此

籌備船礮前赴大營片

咸豐三年正月二十八日

再臣於本月二十四日承准軍機大臣字寄咸豐三年正月初十日奉

上諭本日據向榮奏賊匪竄出武昌勢將東下一摺已明降諭旨令張亮基駱秉章與嚴正基迅赴武昌矣見在向榮已督兵追剿必須礮船應手水面攻擊方可得力其前調湖南船礮若徐廣縉及早籌辦何至貽誤至此見值下游防剿萬分喫緊儻此項礮船不能應手以致水路防剿毫無把握是該署督有意掣肘斷難逃朕洞鑒著將前次諭令封雇船隻三四百號多安大礮委員星夜駛行并節次諭令飭音德布韓世禧鄧紹良多雇船隻招募水摸

張大司馬奏稿卷二

三

同盧應翔船隻一併迅速駛往下游聽候欽差大臣向榮調撥其船礮駛赴北省日期先行具奏該署督身受重恩若仍蹈從前覆轍縱賊出境以收復城池防賊回竄爲詞坐視鄰省下游失事朕必將張亮基從重治罪決不寬貸將此由六百里加緊諭令知之欽此臣跪誦之下悚惕益深竊臣前於起程之先欽奉

諭旨遵卽會同署湖南巡撫臣潘鐸飭府縣趕緊封雇船隻挑選礮位迅速駕駛以濟急需因長沙自逆賊竄擾之後下游船隻多遭賊擄上游一帶船戶聞風逃避封雇維艱臣比嚴飭四處尋覓許給重價始雇得一百四十八隻委員押解前來挑選利用鐵礮四十尊配齊火藥鉛彈於二十二二十三等日陸續行抵湖北省

城臣於二十四日委員押解前進適

欽差大臣向榮之子候補同知向繼雄因省親赴營過此進謁臣即飭其協同委員遊擊鮑雲膏已革知府謝繼超等管帶兵勇四百名先行押赴大營此外善化縣於正月十一日稟報雇得船一百隻長沙縣於正月十三日稟報雇得船一百零五隻已據署撫臣潘鐸函稱嚴飭開行尙未見到臣於二十五日差弁持令箭沿途迎提計日內亦可抵鄂總兵銜副將鄧紹良未接臣札之先已於正月初八日由岳州陸路統帶得力兵勇齎奉

欽差大臣關防前赴大營遊擊韓世禧於上年十一月追賊赴北并未畱在長沙無從札飭前刑部郎中盧應翔只有礮船二隻礮

張大司馬奏稿卷二

五

船水勇五十八名停泊長沙省河所捐洋礮十尊其四尊已經都司張國樑帶往湖北追賊此外尙有香山礮船十三隻向係潮勇駕駛歸候補知府朱啟仁管帶嗣因潮勇野性難馴情同盜賊不服拘束經臣等於賊竄之後即行撤遣交朱啟仁管帶回粵其船多被該勇損壞不堪駕駛臣飭湖南省局迅速修整即交盧應翔帶赴大營壘經飭催盧應翔趕緊料理前進惟水摸一項臣昨抵岳州詢之土人僉云此輩大率因生長湖鄉熟諳水性故能衽席風濤往來便捷遷之異地弗能爲良臣已移咨

欽差大臣向榮隨地雇用以期得力至雲南鶴麗鎮總兵音德布

原在常德防守臣前此飛咨就近雇船前進昨准

欽差大臣向榮恭錄

上諭移咨因襄陽土匪滋擾令其悉心籌畫是否能暫爲分兵向榮卽飭調該鎮赴雲貴總督臣羅繞典襄陽行營聽候調遣臣查襄陽土匪人數尙不爲多據安襄鄖荆道羅遵殿稟稱該匪情形似尙易了結羅繞典來函亦然總兵音德布前在雲南向稱能事此時自應先其所急仍卽催飭該鎮統帶滇兵多雇船隻徑赴向榮大營聽候調遣毋庸前赴襄陽所有遵

乞

皇上聖鑒訓示謹 奏

張大司馬奏稿卷二

三

硃批知道了欽此

辦理收復撫卹事宜摺

咸豐三年二月十二日會  
署湖北巡撫駱秉章銜

奏爲敬陳見在辦理收復撫卹各事宜仰祈

聖鑒事竊臣等承准軍機大臣字寄咸豐三年二月初一日內閣  
奉

上諭張亮基駱秉章各馳奏抵省任事查辦地方情形一摺賊匪  
竄擾武昌圍攻匝月官紳士民嬰城固守迨至城陷之後慘遭焚  
掠據奏荼毒情形深堪憫惻該署督撫於十九二十二等日先後  
到省詳加查勘除殉難大小官員業經贈卹建祠并俟續查到日  
再行加恩外著張亮基駱秉章督同嚴正基江忠源及地方署事  
各員將見在存城老幼男婦并被擄逃回各丁壯加意撫卹一面

張大司馬奏稿卷二

美

掩埋屍骨安集流亡招致商民嚴懲土匪毋令一夫失所漢陽收  
復之後蹂躪彫殘亦與省城大略相似其應派員前往撫綏之處  
著該署督撫妥爲籌辦俾兵燹遺民漸安生業以慰朕懷欽此仰  
見我

皇上軫念被難臣民無微不至旣贈卹以獎忠復撫綏以救患臣  
等跪誦之餘悲感交切伏念湖北省城自康熙年間遭裁兵夏逢  
龍之變後距今百數十年休養生息人物滋豐世際

昇平不知金革邇因逆賊擾及楚疆先攻漢陽繼圍省會兩城疊  
陷虐燄益張屠戮之酷擄掠之繁搜括之苛種種慘毒情形前摺  
已備陳梗概臣等先後馳抵省垣卽督同署藩司嚴正基署臬司

江忠源署武昌府知府金雲門署漢陽府知府張汝瀛次第籌辦并延訪本地士民將見在亟應舉行各事宜悉心商推當此時絀舉贏之時不獨遇事宜力求核實且先後緩急之間尤宜細意斟酌務期措置稍順輿情而於

國計仍無窒礙至漢陽府城相距只隔一江臣等已先後親詣該處查勘安撫蹂躪彫殘亦與省城大略相似已飭署知府張汝瀛遵照新擬章程辦理臣等亦時往察看以期仰副我

皇上不忍一夫失所之意黃州府城居民於賊未至之先遷徙一空惟衙署倉庫監獄民房多被燒燬見飭署漢黃德道徐豐玉擇要先行補葺察看情形似可毋庸辦理撫卹惟蒲圻縣被禍甚酷兵民遇害較多應一律遵照辦理除殉難文武官紳士民婦女各城文武下落及被擾各州縣錢糧彙齊另摺辦理外所有見在籌辦收復撫卹各事宜謹開列條款恭呈

御覽伏乞

皇上聖鑒訓示施行謹 奏

謹將見辦收復事宜開列條款恭呈

御覽

一城垣坍口宜亟拆修也查武漢兩城均被賊攻陷漢陽府城身損壞尙少武昌府城文昌門一帶被逆賊轟坍三處賊入城後將屍骸填滿地洞仍用甃補砌城身查文昌門一帶濱臨江水每遇

夏秋之交江水泛漲迫齧城根基腳虛鬆時虞坍卸逆賊用屍骸填塞慘無人理亟應將屍骸起盡收埋另用淨土填實層層堅築排列木椿以期穩固俟城身收復再將各處城樓垛口趕緊修補以復舊觀臣等屢經周歷查勘業飭委員鳩集夫匠於二月初二日興工辦理

一防城大小礮位宜趕緊製造也自賊連陷武漢兩城及黃州府城將城上大小礮位起運上船盡數載去見在城上各礮無存亟應鑄造以資防守查湖南省城所造熟鐵礮位重百斤者可抵二百斤之用大者可至五六百斤捶鍊精熟并無迸裂之患實爲守城應敵神器其二千斤以上礮位須用生鐵鑄造湖南素稱產鐵之鄉又所需鐵炭皆產自湖南價值較賤上年本省設局監造熟鐵及生鐵礮位一切作法工匠皆所熟諳湖北見經兵燹之後物力維艱工匠人等多被逆賊擄去應卽飭令湖南省局代爲監造由水路運赴湖北以資利用庶經費可省而事易集

一各州縣驛站亟宜設法協撥以速文報也查逆賊自岳州府分水陸直犯武漢下擾蘄黃所過驛站被焚驛馬被搶收復之後雖飭州縣暫時安設腰站雇覓健夫持遞文報遇有要件不能依限飛馳深虞貽誤自應一律買補馬匹各復舊規但照額買補需費不貲此時經費無出籌措萬難祇合暫飭州縣分勻借撥以稍僻之驛協濟衝途或暫雇民馬應用一俟經費有出卽行陸續採買

馬匹還復舊額以速郵傳

一各處修造宜分別緩急擇要興工也逆賊攻陷各府州縣城垣所有大小衙署獄庫倉廩局廠祠廟多遭焚燬原應及時修復但當此公私罄竭之時時絀舉贏一切經費無從取給自不得不酌量辦理除監獄羈禁罪囚倉庫儲積財用兩項須趕緊修理以符定制此外各祠宇載在祀典可補葺者仍行補葺其全行燒燬者一時籌費維艱興修祇可俟諸異日大小衙署爲官吏辦公之所見雖從權寄寓然吏役無處棲宿文案無從收存諸多不便祇可酌量情形因陋就簡稍加補葺以資棲止其需費在千兩以外者概行暫停俟經費有出徐議酌量修復

張大司馬奏稿卷二

五

一督撫兩標及各營汛兵丁缺額宜陸續募補也逆賊攻陷各城兵丁多因陣亡出缺臣等見飭中軍及營員於曾經戰陣遣散鄉勇內陸續揀選募補以實行伍

一招徠商賈以資轉運接濟也武漢兩城襟帶江漢上通巴蜀秦豫下達江皖商賈輻輳素稱繁庶之區自被逆賊殘破衢市蕭條百貨騰踊民間益形困敝查湖北一省所產穀米不敷一省之食歲需四川湖南兩省米商源源接濟以及油煤木料藥材豆麥等項無不遠資鄰省邇來因江路梗阻客商裹足不前而往來船隻因封雇頻數畏累逃匿者尤復不少見在賊去月餘江干商船停泊者尙復寥寥臣等刊發告示咨陝西河南四川湖南等省四處

張貼曉諭商民廣行招致并仰懇

天恩暫時免納關稅兩月自二月十五日起至四月十五日止以示體卹其赴調兵勇及撤遣兵勇應由各州縣雇覓船隻儻該弁兵等藉兵差爲名強封商船希圖索詐賣放以致騷擾商旅卽由臣等將該管員弁嚴參治罪兵勇卽按照軍法究擬各州縣書差丁役等如有藉應付兵差詐擾商民船隻者一體嚴拏治罪以期商賈免累百貨流通小民得資接濟

一查拏水陸賊盜以靖閭閻以安商旅也湖北一省襄陽鄖陽兩府地接豫秦風氣各異襄陽向多搶匪梟徒鄖陽向多咽喉隨州棗陽孝感土風强悍盜賊搶劫之案時所不免漢陽漢川沔陽監

張大司馬奏稿卷二

三

利潛江江陵公安石首枝江嘉魚蒲圻鍾祥黃岡蘄水蘄州黃梅各州縣外江內湖港汊紛歧水盜出沒不常向爲民害近因逆賊肆擾盜賊乘機搶劫益肆鴟張臣等見密札各州縣迅速查拏遇有夥黨過多州縣力不能制者卽密派員弁選帶兵勇裝作商船痛行勦辦其水陸著名兇惡匪首亦按名擒治以儆兇頑大約湖北土匪不及湖南之多辦理尙易惟有仰懇

天恩寬以文法假以便宜俾得一力整頓庶商旅無虞擾害而良善得以安全

謹將見辦撫卹事宜開列條款恭呈

御覽

一殉難文武員弁屍棺宜分別資遣回旂回籍以慰忠魂也逆賊攻陷省城文武員弁抗節捐軀或全家遇害或親屬家口悲憤自盡其屍骸有經親丁收斂者有經隨任戚友收斂者有經家人丁役收斂者有由新署府縣收斂者有被賊戕毀拋棄江中至今徧覓未獲者除仍飭委員印官設法尋覓打撈外其已備棺收斂各員及該親屬家口屍棺亟應護送回旂回籍以妥幽魂其見有親丁戚友在此者卽飭其自雇船夫料理扶襯歸葬其無親丁戚友在此者卽由臣等行文各本旂本籍傳知該員親屬來楚迎柩歸葬其無力歸葬者統由臣等察看情形分別程途遠近屍棺數目人口多寡酌給盤費俾忠魂毅魄不致久滯異鄉以廣

張大司馬奏稿卷二

三

皇仁以勵臣節

一殉難各員弁家口宜妥爲撫卹也查殉難各員弁家口其生存者逃匿民間幸而得免貲財衣服經賊匪搜括一空寒餓交迫此時新經收復典質無出告貸無門實堪憫惻臣已面諭府縣酌量資給以示體卹

一殉難文武員弁迷失子女宜廣爲尋覓也查殉難文武子女有逃散者有被賊擄去者應設法分途尋覓如經民間收養准卽報明分別酌給賞銀以全孤苦以慰忠魂

一被害紳士兵丁商民婦女屍骸宜速爲收斂安葬也查武漢兩城先後被陷該紳士兵丁商民婦女不甘屈辱或被賊戕害或悲

憤自盡大義凜然深堪憫惻除見飭府縣查明出示該親屬速行收斂安葬其無親屬收斂者查明的係義烈遺骸由官備棺斂埋其餘屍骸查省城原設有永安局滋善堂普安堂積善堂生生堂各紳耆辦理地方義舉向稱妥善據永安局滋善堂紳耆呈稱願倡捐集費將城內井湖房屋積屍無人收斂者逐一起出人數過多不及徧備棺木卽用蓆片裹束安葬義阡捐費不敷卽由官發給銀兩趕緊斂埋以慰忠魂

一民間迷失子女宜設局收養給領也逆賊攻陷武漢兩城人民慘遭屠戮又按戶口搜查男丁二十五人編爲一管婦女二十五人編爲一管皆用一二賊黨及賊婦監護其子女等不許團聚往

張大司馬奏稿卷二

三

往迷失無蹤或於上船之時乘閒潛逃或於中途脫逸應卽分設男女兩局妥爲收養俟其家屬具結認領俾得骨肉完集以恤殘黎臣等前聞逆賊行至蘄州一帶因陸續擄得米糧無船裝運將原擄子女迫逐上岸騰空坐船裝載米石其子女等見在飄泊江干棲息無所當飭委員知縣翁汝瀛把總周大鵬會同本地紳士前往照料攜帶銀米以資接濟又恐土匪乘其危迫肆行擾害并飭該弁選帶官兵持令箭前往彈壓護送各回原籍地方給親屬認領務期不致失所

一此次撫卹宜變通辦理也向來辦理賑務分別次貧極貧酌量發給銀米其編審之法總以平素家計生業爲斷此次兵燹之後

情形各有不同查逆賊陷城之後徧索官幕紳商富戶疊次搜括又有本城土匪爲之導引擇肥而食悉索無遺慘殺之餘繼以劫奪以故平常饒裕之家其見存者一旦赤貧如洗親友俱困苦貸無門委頓情形殊堪憫惻而素稱窮困之家或因賊不屑誅求轉得安然無恙雖未必比戶皆同而實情類多如此此次撫卹原爲救災恤難而設與尋常賑濟不同未可拘泥辦理臣等見飭印委各員及本地明白公正紳耆斟酌情形辦理總期遭黎均霑實惠而帑項不致虛糜

一老弱孤寡殘廢疾病宜厚加撫卹也逆賊陷城之後丁男少婦多被擄去見在兩城遺黎半係老弱暮齒童年偏遭不幸丁亡家

張大司馬奏稿卷二

三

破環顧無依或父母被殺而收恤無人或夫男被擄而資生乏策或受傷殘廢無處謀生或疾病糾纏無人照料街啼巷哭耳不忍聞此等無告窮民尤宜稍加優厚臣等已飭印委各員及各紳耆悉心察訪遇有情形極苦之戶別與存記以憑分別辦理

一此次撫卹宜查明作一次給領也地方殘破之餘庫款蕩然公私罄竭挪墊之項旣絕捐輸之路復窮擬請於戶口一律查竣之後總計銀數每口應得若干卽作一次按戶給領俾小民無待領之繁胥吏無剋減之弊而一次全領爲數見多小民卽可藉爲營運之資各謀生理庶於難民稍有裨益

一分查戶口宜選派官紳按戶親詣稽查詳細注明以昭核實也

武漢兩城及漢口一鎮各就街衢畫分地段酌派官紳躬親查驗  
先刻撫卹票簿查明填注一戶某人年若干歲係某縣某處人何  
項生理原住某處見住某處本身上三代及子孫男婦女口僕婢  
雇工姓名一一注載共計大口若干小口若干如被害者注明被  
害字樣被擄者注明被擄字樣迷失者注明迷失字樣簿票并填  
將票粘貼各戶門首畱簿以備查核庶浮冒遺漏之弊可免而戶  
口既清將來認領被擄迷失子女及例應請

旨旌獎之人亦可參之眾論按籍而稽外來奸宄亦無從潛匿  
硃批另有旨欽此

咸豐三年二月二十日內閣奉

張大司馬奏稿卷二

五

上諭張亮基駱秉章奏籌辦收復撫卹各事宜開單呈覽一摺湖  
北武昌漢陽黃州等處先後被賊竄擾蹂躪彫殘深堪憫惻見經  
該署督撫等督飭司道各員次第籌辦如修城製礮協撥驛站并  
募兵招商戢匪各事宜所籌尙屬周妥至被害官民流亡子女或  
應掩埋屍骨或應設局收養均著照所議妥籌辦理所需經費務  
當核實動用毋任吏胥人等絲毫浮冒俾窮黎均沾實惠地方日  
就乂安該部知道單二件併發欽此

准鹽阻滯請借銷川引片

成豐三年二月十二日會  
署湖北巡撫駱秉章銜

再湖北一省除施南一府六縣及宜昌府屬之鶴峰長樂二州縣  
例食川鹽其餘各州縣例食淮鹽由儀徵湖江而上經江南安徽  
各州縣境入楚自粵逆竄擾江路梗塞轉運不前票商裹足鹽船  
潛蹤小民無處購買淡食堪虞若不籌議變通徒滋私梟攘奪之  
風小民困敝日甚地方情形將更有不忍言者臣等前准幫辦軍  
務雲貴督臣羅繞典移咨恭錄

上諭見在淮鹽阻滯著准其以川鹽潞鹽接濟迅即咨部辦理俟  
賊氛掃蕩仍復舊規等因欽此臣等當即會籌辦理查湖北迤北  
襄鄖一帶與潞鹽引界相近迤西荆宜一帶與川鹽引界相近東

張大司馬奏稿卷二

五

北羅田麻城黃安一帶與淮北引界相近當此淮南引不到之  
時亟籌裕課便民之策自非借銷鄰引不能然於權宜辦理之中  
求其變通盡利則無有如借銷川引之善者潞鹽由豫入楚水陸  
舟車腳費甚鉅淮北引鹽由安徽北境陸路入楚山嶺重疊轉運  
殊難且淮北山西程途遠隔緩不濟急惟川鹽由船裝運從長江  
上游順流駛下由沙市漢口分運各府州縣口岸水陸處處可通  
鹽質既良腳費又省轉運既易成本又輕較之借銷潞鹽淮北鹽  
其便利相去何啻霄壤但自賊匪竄擾漢口票販及各省巨商大  
賈久已逃避他方此時招商領運無人承辦業經委員設法招集  
尙無回楚確耗而民食又萬難刻緩見在司道庫款正雜各項蕩

然無存籌辦官運又苦成本無從設措仰懇

皇上天恩敕下四川督

臣

飛飭鹽茶道借撥川鹽二千引仍照川

祖川包趕緊委員雇船裝載運至巫山由楚省委員設局驗收押運來楚以濟急需至應納鹽引正課及川省成本水腳委員薪水等項均由湖北鹽道督同委員按引提存陸續解交四川

臣

等斷

不任其稍有稽延貽累鄰省所有設卡緝私到岸發賣各節已飭藩臬兩司鹽道悉心妥議再爲核定一俟賊氛埽蕩江路廓清卽仍改食准鹽以符定例事由官辦欲止卽止不致開將來浸灌之端見在食鹽短絀已極民間迫不及待

臣

等一面奏明請

旨一面飛咨四川督

臣

迅速借撥引鹽委員解楚暫資接濟所有

張大司馬奏稿卷二

三

借銷川鹽各緣由謹合詞附片由驛具奏伏乞

聖鑒訓示施行謹 奏

硃批另有旨欽此

咸豐三年二月二十日內閣奉

上諭前因湖北省淮鹽阻滯降旨准其借銷川鹽潞鹽以資接濟茲據張亮基奏川鹽轉運旣易成本亦輕較之潞鹽更爲便利自係實在情形著四川總督卽飭鹽茶道借撥川鹽二千引迅速解赴湖北以濟急需俟江路廓清准引通暢仍照舊章辦理該部知道欽此

請調前任藩司唐樹義貴州黎平府知府胡林翼來楚差遣片

咸豐

三年二月十二日會署  
湖北巡撫駱秉章銜

再湖北省城甫經收復撫輯流亡查辦土匪修明武備稽核錢糧政事殷繁日不暇給亟需賢能共相助理查前任湖北藩司唐樹義才長心細性情爽直辦事認真且該司由湖北知縣擢至藩司於地方情形最為熟悉見值殘破之後文卷無存諸務草創尤須明達熟諳之員方期有裨治理該司於道光二十九年因病奏請回貴州本籍調理聞見在調治已愈仰懇

天恩敕下貴州撫臣催其迅速來楚以便就近諮訪又貴州黎平

府知府胡林翼才品卓越兼有膽略臣張亮基於上年七月奏調

張大司馬奏稿卷二

三

來楚已蒙

恩准旋據貴州撫臣蔣蔚遠奏畱查見在黔中靜謐而湖北適值

多事之秋應仍請調赴湖北以資差委仰懇

皇上天恩俯念地方緊要時事需才

敕下貴州撫臣將黎平府知府胡林翼迅飭星速起程馳赴湖北

聽候差委臣等謹合詞附片具奏伏乞

聖鑒訓示施行謹 奏

硃批另有旨欽此

咸豐三年二月二十日內閣奉

上諭張亮基駱秉章奏請旨調員襄理等語前任湖北藩司唐樹

義昨經御史蕭時馥保舉在籍辦理團練茲據張亮基等以該員熟悉湖北地方情形辦事認真奏請調赴該省以備諮訪唐樹義著卽前往湖北幫辦一切撫輯事宜無庸在籍辦理團練署貴州黎平府知府胡林翼聞其熟悉黔省情形若調往他省轉恐人地未宜所請以該府胡林翼調赴湖北之處著不准行欽此

張大司馬奏稿卷二

委員署理糧鹽二道并廳縣各篆務片

咸豐三年二月十二日會署湖北巡撫駱秉章銜

再新升湖北鹽道劉若珪因署理黃州府知府未赴新任黃州失守劉若珪應聽候查辦所遺湖北鹽道員缺請

旨迅賜簡放以重職守新放之員到楚需時見擬借銷川引以濟民食所有籌定新章及設卡盤驗緝私提課抽稱收發諸務最關緊要均須責成鹽道經理鹽道篆務查見署湖北臬司陝西候補道江忠源堪以暫行兼署又新放湖北糧道徐豐玉經臣等奏請兼署漢黃德道該道遠駐黃州於糧道事務未能兼顧糧道篆務查見署武昌府知府金雲門堪以兼署又天門縣知縣饒拱辰經臣等奏署江夏縣知縣見因籌辦兩城撫卹及勸捐事宜正在設

張大司馬奏稿卷二

堯

局經理該員在楚日久熟悉情形士民信服請卽以饒拱辰署理武昌同知專辦局務其江夏縣知縣員缺查見在代理江夏縣之候補縣丞王培厚辦理裕如仍飭暫行代理臣等面商再四意見相同除檄飭遵照外理合附片陳明伏乞

聖鑒謹 奏

硃批另有旨欽此

咸豐三年二月二十日內閣奉

上諭張亮基駱秉章奏查明黃州失守請將署知府查辦等語湖北署鹽道黃州府知府劉若珪職司守土事前旣不能妥爲防範臨時又不能嬰城固守罪無可辭著卽革職拏問交張亮基駱秉

章按律定擬具奏其同城之文武各員并黃州所屬各地方均著  
該署督撫等詳細查明將畏葸逃避各員弁迅卽據實嚴行參辦  
餘著照所議辦理欽此

咸豐三年二月二十日內閣奉

上諭湖北鹽法道員缺著曹楙堅補授欽此

張大司馬奏稿卷二

四

涇陳辦理支絀情形摺

咸豐三年二月十九日會  
署湖北巡撫駱秉章銜

奏爲涇陳見在辦理支絀情形仰祈

聖鑒事竊

臣

駱秉章前奏請

敕部籌撥見銀三十萬兩辦理善後撫卹各事宜

臣

張亮基恐緩

不濟急復奏請於附近各省先行借給均奉

旨交戶部速議具奏嗣准戶部移咨本部遵

旨速議請撥銀兩辦理善後撫卹事宜一摺本日奉

旨依議欽此鈔錄原奏飛咨前來

臣

等展閱之餘彌深焦灼竊維

逆賊狡狴已逾三載

皇上宵旰憂勤屢發帑金救民水火部

臣綜司

張大司馬奏稿卷二

望

國計當此時事紛紜之際軍儲告乏籌餉維艱一切苟且之政固  
恐病民權宜變通之方又虞解效財之源既無自而開財之流又  
不可得而節憂勞支絀之狀不想可知

臣

等忝任封疆雖職分內  
外實則誼均一體不特無益之費未忍聽其虛糜卽應籌之款仍  
當權其緩急豈有事在得已義可緩圖不顧

國用艱難部

臣

拮据而忍爲此紛紛陳乞之理顧時勢所迫實難

勉強支持此等苦衷亦有不容不瀝陳於

君父之前者謹將湖北通省經費出入大端及見在辦理各項一

一爲我

皇上約略言之查湖北一省歲出之項以兵餉爲最鉅驛站養廉

祭祀雜支撥補各項次之隄工又次之統計滿營綠營每年例支俸餉共銀七十三萬九千五百餘兩驛站養廉等項共銀二十餘萬兩隄工一項除襄陽老龍隄原係官工每歲估工酌發無一定之額潛江護城隄每歲發銀六七百兩爲費甚少外其濱臨江漢各州縣原各有隄工生息之款其本銀皆係發交兩淮鹽商及各州縣典商承領每年按繳生息銀共二萬餘兩尋常歲修由業民派土興辦民力難支則用生息銀兩若工大費繁例由官籌款墊發徵還歸款此項原無定額合計通省歲出之款其有定者兵餉驛站等項已近百萬其無定者隄工一項亦常在二十萬內外歲出之約略可計者如此通省歲入之款以地丁爲最鉅關稅次之

張大司馬奏稿卷二

聖

統計額徵正耗等款銀一百零三萬五百兩有奇每屆災歉緩徵約四十萬兩內外若被災較重之年緩多徵少則更不及六十萬兩關稅一款武昌廠關額徵正銀三萬三千兩盈餘銀二萬二千有奇又游湖關船料銀三千一百兩零荊州道關額徵正銀一萬三千兩盈餘銀九千二百餘兩合計通省歲入之款上稔之年約七八十萬兩內外災歉之年則僅六十萬兩內外歲入之約略可計者如此歷年水潦頻仍入不敷出部撥鄰省協濟銀二十餘萬或三十萬兩率以爲常見在冊籍銷燬文卷無存臣等與藩司嚴正墓臬司江忠源周諮博訪得其大略此從前湖北通省出入兩端之實在情形也上年被水成災者二縣被災六分者二縣被水

受旱未成災者二十八州縣衛合共三十二州縣衛經前署撫臣常大澇奏請分別蠲緩又自逆賊竄擾蹂躪之處共計十州縣臣等見飭查明分別懇

恩蠲緩武昌廠關見因商船稀少設法招徠奏請停徵兩月荆關見在權稅甚短徵解不前災歉之餘加以兵燹歲入一款較之尋常無事之年固已大減自逆賊攻陷省城庫項悉爲所掠臣等馳抵省城將及一月各府州縣并無絲毫起解之款而各營春季兵餉例由司庫上冬發給者除前署督臣徐廣縉飭令於營坐各州縣錢糧內截領支放取給一時此外不敷之數均紛紛請赴省城給領轉瞬又屆夏季請餉之期將何以應之各營兵弁勢難令其

張大司馬奏稿卷二

呈

枵腹趨公待哺方殷饑源驟斷逾時無領意外堪虞臣等每接各營請餉之稟輒日夜旁徨難安寢饋此兵餉支絀之情形也上年被水州縣經前署撫臣奏明除蠲緩錢漕外共計應發賑撫穀四萬石銀六萬餘兩前撫臣任內穀已照數撥給惟銀兩未及全發事關災賑重務前撫臣等奏明有案州縣請領不爲無詞而見在應行補發之款無從籌措此賑務支絀之情形也隄工一項襄陽府估報需銀八千餘兩鍾祥需銀十餘萬兩公安需銀四萬餘兩其餘各州縣稟請籌款辦理者尙多合共需銀二十餘萬兩向例准其借項興修見值公私罄盡之餘何能籌辦及此然湖北州縣多半水鄉全倚隄防爲命上年各隄坍塌過甚若不及時修復設

遇夏秋江漢并漲橫溢之患徧及下游

國賦民命攸關豈能置之不議而隄工生息各款本銀本錢其發  
淮南承領者久已欠息不繳其發典商承領者武漢黃三府多被  
搶掠息本俱空荆襄各屬典本各府州縣又因倉卒募勇修城提  
用殆盡見雖嚴密訪查恐所存實亦無幾此隄工支絀之情形也  
武漢兩城甫經收復查點督撫標兵除陣亡逃潰外僅存一半又  
多係疲輒無能難期得力瞿騰龍所帶之兵已調赴大營粵逆甫  
去土匪蠶起沿江上下千數百里無重兵控制民情何所恃以爲  
安計先後調防兵勇約共三千員名皆需鹽糧支放此防勦支絀  
之情形也又大營遣散兵勇及調赴大營兵勇凡路經此間者皆

張大司馬奏稿卷二

四

須發給鹽糧疲輒兵勇裁撤者皆須發給路費船隻皆須發給水  
腳所辦皆係糧臺應付之事所應付皆係大營亟需之款部議嗣  
後如有擅截餉銀督撫卽由部臣參奏臣等若不預爲酌畱既恐  
有誤事機若擅自截畱又恐有干吏議似應請

旨敕部臣再行妥議期無窒礙庶便遵行至見在辦理收復撫卹  
各事宜一切非銀不辦湖北向遇災賑各務漢口一鎮富商巨賈  
輸將踴躍者頗不乏人近因避賊逃散尙未復業見復遴委明白  
安實向爲地方信服之員分往未經蹂躪各處勸諭紳商富戶動  
以毀家紓難之義示以逾格優獎之

恩多方鼓舞務期踴躍臣張亮基復捐銀三千兩以爲之倡俟各

處捐有成數再當分別奏請

天恩從優獎勵但地方元氣已傷閭左驚魂甫定將來捐數多少實難預料臣等見飭未被賊擾各州縣將應徵漕米迅速催收起解各處息本已經提用者確核有無浮冒未經提用者卽嚴飭催提來省以應急需所有通省可興之利有裨實用而無病於民者一幷與藩臬兩司及地方明幹公正紳耆悉心研求從長計議惟目前需用實繁一時無從設措尋常無事之年尙賴部撥鄰省協濟銀二十餘萬或三十萬兩始供敷衍值此兵燹灰燼之時庫款頓空之後情形尤非昔比可否仰懇

皇上天恩俯念地方甫經收復困敝急切難蘇仍

張大司馬奏稿卷二

呈

敕下戶部體察情形速爲籌畫俾臣等有所展布於地方要務得以次第辦理所有見在萬分支絀情形謹合詞恭摺具奏伏乞

皇上聖鑒訓示施行謹 奏

硃批戶部安速議奏欽此

湖南剿辦土匪情形片

咸豐三年二月十九日

再湖南衡永郴桂一帶壤接江西廣東廣西三省邊界向爲盜賊嘯聚之藪上年粵逆由粵竄楚各處土匪乘機響應轉相勾結形蹤詭祕出沒不常臣張亮基前在湖南巡撫任內密飭各屬嚴行偵察遇有賊蹤立刻會同堵剿如料力不能制卽一面密速馳稟以憑派弁雕剿并挑選楚勇及得力兵弁嚴裝以待嗣臣奉

命署理湖廣總督馳抵武昌後接據署嘉禾縣知縣任瑛耒陽縣知縣唐逢辰署常甯縣知縣吳冠庠署永興縣知縣王秀深等先後稟報正月二十四等日探聞有匪徒兩起一起百數十人一起二百餘人由常甯縣白沙堡往嘉禾縣仙人橋一帶會齊旂幟

張大司馬奏稿卷二

三

槍械俱全沿途張貼偽示稱受僞東王札諭劫掠富戶裹脅村民稟請發兵剿捕臣當飛咨署湖南巡撫臣潘鐸幫辦團練前禮部右侍郎臣曾國藩等迅速派撥兵勇馳往剿辦并飭各縣汛無分畛域實力截拏旋據署嘉禾縣知縣任瑛稟報正月十七日該縣離城二十餘里黃甲頭突有匪徒二三百人蜂擁前來該知縣任瑛知會辰州把總萬大鶴外委黃興茂武舉李登雲等督帶兵勇前往追捕十八日辰刻追至臨武交界之塘村墟該匪膽敢向前迎敵兵勇登時格殺匪黨二十七名生擒二十五名奪獲旂幟槍刀多件查點兵勇受傷四名餘匪四路逃竄千總王明德在桂陽州屬古樓墟拏獲逃匪謝裕奇王滿苟二名耒陽縣知縣稟報正

月二十一二等日拏獲逃匪鍾鈺秀李興江二十三四等日拏獲劉昌貴等五名臣查此股匪徒人數約二三百人雖經嘉禾縣兵勇捕殺五十餘名及耒陽縣桂陽州稟報獲犯九名此外未獲各犯人數尙多亟應嚴密搜捕以期根株淨盡正批飭間復接據衡山縣知縣徐國斌馳稟二月初一日縣屬道字號地方有土匪千餘人旂幟槍礮俱全行抵霞流站地方搶劫滋擾意圖撲城初四日竄至吳集地方距衡山縣城四十里距衡州府城約六十餘里適值調赴耒陽常甯剿辦土匪之管帶楚勇教諭劉長佑管帶湘勇生員王鑫帶勇路過衡州府境經署衡陽縣知縣馮汝棻署清泉縣知縣閔光弼衡山縣知縣徐國斌邀其折回協剿劉長佑王

張大司馬奏稿卷二

壘

鑫等於初五日帶勇赶到初六日督勇進徇吳集賊巢分兩路進攻賊匪出巢抗拒劉長佑王鑫等縱勇奮擊賊匪大敗斬首數十級殺斃數百名生擒數十名并陣擒首犯李躍大獲勝仗餘匪溺斃不計其數劉長佑等仍率勇四路跟蹤追剿見在衡陽衡山各處道路肅清民情安帖惟此股土匪是否卽常甯白沙堡逆黨未據該州縣稟明臣已飛飭各州縣營汛并移咨署湖南巡撫臣潘鐸幫辦團練前禮部右侍郎臣曾國藩照會永州鎮臣孫應照一體飭屬嚴密兜拏趁此兵勇齊集之時將衡永郴桂一帶土匪趕緊窮搜協剿毋任一名漏網庶山陬頑悖之徒得資震懾而邊圉得以久安所有湖南剿辦土匪情形理合附片陳奏伏乞

聖鑒訓示施行謹 奏

硃批湖南土匪滋擾著激勵團練速行勦辦勿使蔓延欽此

張大司馬奏稿卷二

吳

江臬司未能速赴江南大營片

咸豐三年二月十九日會署湖北巡撫駱秉章銜

再本月十五日接准吏部咨開內閣鈔出二月初二日奉

上諭新授湖北按察使江忠源壽春鎮總兵鄧紹良該二員在軍營屢次打仗奮勇著有勞績著卽各帶親信兵練速赴江南向榮軍營聽候調遣湖北按察使著張亮基駱秉章派員署理欽此見值軍務喫緊之時應卽欽遵

諭旨飭令該臬司迅速交卸前往惟查湖北道員共有五缺見在惟安襄鄖荆道羅遵殿糧道徐豐玉係實缺人員漢黃德道雖奉旨簡放彭舒萼該員自粵東赴楚尙需時日業經<sub>臣</sub>等奏請以徐豐玉署理其糧道本缺請以署武昌府知府金雲門兼署荆宜施

張大司馬奏稿卷二

完

道文輝前經將軍台湧參奏應候查辦鹽道缺請

旨簡放尙未奉到

諭旨見請以江忠源兼署江忠源既奉

恩旨命往江南軍營臬司鹽道二缺自應遴員接署查安襄鄖荆道羅遵殿見在搜捕襄陽土匪頃接來稟尙請畱兵彈壓且襄陽府知府樊椿因病出缺委署無人見係通判周汝驤代理該處爲南北要衝未便再將該道奏調致滋貽誤徐豐玉署理漢黃德道該道駐紮黃州爲下游喫重之區黃州府知府無員委署見係同知邵綸署理徐豐玉亦未便再行奏調此時臬司鹽道二缺本省又無候補道員可以暫署實在交替無人藩司政務殷繁嚴正基

又兼有廣西糧臺經手事件萬不能再署臬司楚省見值甫經收復之時臬司應辦事件千端萬緒而鹽務暫銷川引一切章程均須責成鹽道核議該臬司自檄委兼署以來受事二十餘日辦理粗有頭緒應卽責其一手經理臣等恭繹

諭旨令江忠源等各帶親信兵練查江忠源所帶楚勇二千餘名因招集之初原約保衛桑梓不遣出境曾經奏明在案是以該臬司隨臣張亮基來楚該楚勇卽畱於湖南未能隨帶前來湖南見調令勦辦衡山耒陽一帶土匪能否招集前來尙未可定卽令能來亦尙需時日而臬鹽兩篆接替無人江忠源又未能一時交卸可否准其暫緩起程之處伏候

張大司馬奏稿卷二

辛

聖裁所有江忠源未能迅速起程緣由理合附片陳明伏乞

聖鑒訓示施行謹 奏

硃批另有旨欽此

咸豐三年二月二十七日內閣奉

上諭張亮基奏臬司見有經手事件請暫緩赴軍營等語湖北按察使江忠源見在兼署湖北鹽法道其前帶楚勇已畱於湖南勦辦土匪一時未能調集江忠源著卽無庸前赴向榮軍營該部知道欽此

